

四川出版集團 巴蜀書社


四川大學圖書館館藏

主編 姚樂野 王曉波

副主編 林 平 袁學良

珍稀四川地方志叢刊

二



主編 姚樂野 王曉波

副主編 林 平 袁學良

四川出版集團 巴蜀書社

四川大學圖書館館藏

珍稀四川地方志叢刊



圖書在版編目 (CIP) 數據

四川大學圖書館館藏珍稀四川地方志叢刊/姚樂野. 王曉波主編. —成都:
巴蜀書社, 2009. 9

ISBN 978-7-80752-467-0

I. 四… II. ①姚…②王… III. 四川省—地方志—叢刊 IV. K297.1-55

中國版本圖書館 CIP 數據核字 (2009) 第 167458 號

四川大學圖書館館藏珍稀四川地方志叢刊 (第二冊) 姚樂野 王曉波 主編

責任編輯	林 建 李 嘉
封面設計	張 科
出 版	四川出版集團巴蜀書社 成都市槐樹街 2 號 郵編 610031 總編室電話: (028) 86259397
網 址	www. bsbook. com
發 行	巴蜀書社 發行科電話: (028) 86259422 86259423
經 銷	新華書店
印 刷	成都東江印務有限公司
版 次	2009 年 9 月第 1 版
印 次	2009 年 9 月第 1 次印刷
成品尺寸	210mm×290mm
總 印 張	194.25
總 字 數	620 千
書 號	ISBN 978-7-80752-467-0
定 價	4000.00 圓

本書如有印裝質量問題, 請與工廠調換

第二冊目錄

					(清)賀守典 熊鴻謨纂	涪乘啓新	(清)多澤厚修 陳于宣等纂	(乾隆) 涪州志	(清)劉肇烈纂修 陳嘉樹 劉容光分纂	金堂縣鄉土志
						三九三		八三		一

[illegible]

(清)劉肇烈纂修 陳嘉樹 劉容光分纂

金堂縣鄉土志

清光緒末鈔本

要

提要

劉肇烈，光緒中任金堂縣知縣；陳嘉樹，任金堂縣縣學教諭；劉容光，任金堂縣縣學訓導。三人均爲同時人。

金堂爲成都屬邑，唐咸亨二年，以界有金堂山，故始以其名置縣。金堂修志，始於宋代，其時有《金淵志》、《懷安軍圖經》、《玄武金水兩縣圖經》，惜已散佚。至清，乾隆、嘉慶、道光、同治，代有修纂補刻。除乾隆《金堂縣志略》稀見外，其餘各本，流佈甚廣。

本書資料採自舊縣志者十之四，從縣署檔案輯入者十之二，錄自民間調查所得者十之四。分類適當，標準程式，故不贅列。本書修纂以作為初等小學堂教材，故文詞通俗易懂，頗富鄉土特色。

此志原分四冊裝訂，無圖。今藏於四川大學圖書館，爲海內孤本。

金堂縣鄉土志

修志姓氏

纂修

成都府金堂縣知縣劉肇烈

分纂

金堂縣學教諭陳嘉樹

金堂縣學訓導劉容光

編輯

甲午科舉人註選知縣陳昌運

金堂縣鄉土志

修志姓氏

一

四川大學圖書館藏
珍稀四川地方志叢刊

採訪

貢註選訓

導黃文煥

歲

貢生林士芬

增

貢生楊秉謙

例

貢生張炳勳

金堂縣鄉土志

凡例八則

一是志因奉部文札飭各州縣編纂彙申以便編書

局採入初等小學教科書用是博訪詳詎訛正謬計採自舊縣志者十之四從縣署檔案輯入者十之

二得自民間傳聞者十之四規撫粗具罅漏孔多知不免謏陋之譏

一歷史及政績耆舊多從舊縣志錄出惟近數十年未有續志則良有司之善政與鄉先生之懿行俱應補

金堂縣鄉土志

凡例

一

四川大學圖書館藏
珍稀四川地方志叢刊

入茲故採諸輿論嚴加考覈一一詳載於篇

一前代兵事舊縣志畧而未詳茲謹從舊縣志外編考錄數事更益以近今數事聊成是編

一戶口今昔不同而人類及宗教實業舊縣志未有紀載均就近今事實加以咨訪而備錄之

一地理部如古蹟祠廟坊表橋梁市鎮舊縣志所有並無改革者悉照舊錄之其或增修添設者俱依類補入若學堂則就已開辦者記之而本境山水之方向遠近亦因舊縣志有未詳盡處再為之加以釐訂

一商務一門本境之物產銷行本境若干運出本境若干暨他境之物產運入本境銷行若干每歲原未有一定之數不過就銷行較暢者而約計之其銷行細微者固概從畧焉

一是編為初等小學堂教科書所取材故所記地名如趙家渡姚家渡物名如包穀高粱等類多從俗稱亦

凡例

取其便於童蒙所熟知耳而詞則殊欠大雅也

11

四川大學圖書館藏
珍稀四川地方志叢刊

金堂縣鄉土志目錄

卷一

歷史

政績錄

軍事錄

卷二

耆舊錄

人類

戶口

金堂縣鄉土志

目錄

一

四川大學圖書館藏
珍稀四川地方志叢刊

宗教

實業

卷三

地理

卷四

道路

物產

商務

金堂縣鄉土志卷一

歷史

史所以纂言記事、志者史之一體也、金堂為成都近郊屬邑、三代以前、史家紀而不詳、漢魏隋唐以來、始分疆域、然亦或置或廢、故金水金淵白牟異其名、為軍為州為縣異其制、屬凱屬漢屬潼異其隸、考古者苟非徵諸史冊、則易滋疑誤、茲據邑乘之所載、證以前史、纂而輯之、作歷史志、

三代以前

金堂成都近郊屬邑也、上古為蜀山氏地、黃帝時隸蜀國、

金堂縣鄉土志

卷一 歷史

四川大學圖書館藏
珍稀四川地方志叢刊

虞夏在梁州之域、商周仍隸蜀國、秦隸蜀郡、然皆未有縣之名、

漢

漢時為廣漢郡新都縣東地、犍為郡牛鞞縣西地、牛鞞即今簡州

後漢

後漢時隸益州刺史部、後屬蜀漢畿內地、

晉

晉時隸梁益二州、始置金水戍、於漢牛鞞縣西地、案晉書安帝義熙初、成都為譙縱所據、九年、以朱齡石討平之、遂於此置金水戍、以界有水出金沙、故名、戍在今淮口

同鎮之西
興壤

西魏

西魏時始置金淵郡於戍所、治金淵縣、並置白牟縣於漢新都縣東地、隸金淵郡、後周廢郡及白牟縣、遂以金淵縣隸蜀郡、按白牟即今治、故唐宋時名古城鎮、今北門猶有古城橋之名焉

隋

隋時金淵縣初隸凱州、後廢州、仍隸蜀郡、案隋文帝仁壽三年、分元武、綿竹、金泉、飛鳥四縣為凱州、至煬帝大業二年、凱州廢、金泉縣仍隸蜀郡、隋書唐時所作、故避淵為泉、非又改金泉縣也

金堂縣鄉土志

卷一 歷史

二
四川大學圖書館藏
珍稀四川地方志叢刊

唐

唐時改金淵縣為金水縣、隸益州、尋隸簡州、始分置金堂縣於白牟廢城之東、隸益州、尋隸漢州、案高祖武德元年、為金水、隸益州、三年、又分陽安、金水、平泉三縣、立簡州、至高宗咸亨二年、始分置金堂縣、以界內金堂山得名、隸在今三江鎮之西、舊城址、隸益州、武氏垂拱二年、改隸漢州

後晉

後晉時遙改金堂縣為漢城縣、案此時蜀已為王氏所據、過美觀、故十國春秋以為遙改

宋

宋時置懷安軍治金水縣與金堂縣並隸成都府路尋隸

潼川府路始徙金堂縣於今治案宋太祖乾德五年置懷安軍領金水縣二縣屬

成都府路真宗咸平四年分置益梓利夔四路懷安又屬潼川府路仁宗嘉祐初仍徙治白牟故城即今治城也

元

元時陞懷安軍為懷州廢金水縣尋廢州併入金堂縣屬

成都路案元世祖至元十三年縣省入州二十年廢州併入金堂縣屬成都路而金堂縣之本境從此置矣

明

明時廢金堂縣併入新都縣尋復故屬成都府案明洪武

新都縣十三年復置金堂縣屬成都府其四境界址如元時

金堂縣鄉土志

卷一 歷史

三

四川大學圖書館藏
珍稀四川地方志叢刊

國朝

國朝金堂縣屬成都府案成都為四川首府領十六州縣金堂屬焉其四境界址與元明同

金堂縣鄉土志

政績錄

古之循吏有惠政於民當時慕之後人思之所謂沒世不忘也然金堂自西魏迄隋職官姓氏載籍無徵唐宋之間舊志僅記數人有明以來紀錄較詳茲擇其能為民興利去害善於聽訟者臚列於篇以年月先後為次作政績錄

宋

張戢知金堂縣事誠心愛物養老恤貧命父老教督子弟以俸為酒食召老者飲使其子弟侍勸以孝弟民化其德

金堂縣鄉土志

卷一 政績錄

四

四川大學圖書館藏
珍稀四川地方志叢刊

獄訟漸稀崇祀名宦祠

宇文奉直熙甯中知懷安軍有功德於民及去民懷其德不已為之繪像祀紫雲山崇祀名宦祠

明

朱景哲陝西人洪武初年任金堂知縣廉靜寬平民賴其撫字凡官署學校壇祠皆所創建民不告勞事亦具舉崇祀名宦祠

何泰雲南舉人成化中任金堂知縣賢聲遠著嘗攜蠶豆以遺民自是廣播原野至今咸食其德崇祀名宦祠

王賓直定舉人成化中任金堂知縣敦行動儉蒞政公明學校壇祠罔不修舉又築城砌石以備防禦後值趙鐸之變民恃無恐咸稱賢令云崇祀名宦祠

曾遜字克讓號東莊湖廣承天人正德中任金堂知縣老成凝重持守甚嚴初遠民多逋賦不奉約束或以事捕至輒拘繫僊於獄遜至喟然曰民不信有司之過也遂下令與民更始吏役不得擅禁無辜自是輸賦者如期而至戶給稅帖升合有稽民得其便及去為立繡川遺愛坊並修祠置田以供祭享之需後其孫省吾字確菴隆慶中為四

川巡撫值建武九絲蠻負險作亂奉命督剿時猶便道致祭云崇祀名宦祠

劉喬遷湖廣監利人萬厯中任金堂知縣善政多端士民感德於去時邑人共作思不忘謠十首送之知縣劉世選序而鐫諸石立於懷口鎮之左後擢廣安州

陽亨江西南康舉人永樂中授南道御史遇事敢言忤旨謫金堂縣丞雅重風教不尚刑威而民自服卒於官貧不能歸葬蟠龍山麓士民歲時祭掃

潘孟科崇禎中任金堂縣典史闖賊陷城守義不屈遂為

賊害事定贈孟科將仕郎並贈卹典明史有傳崇祀名宦祠

國朝

董煜直隸進士順治十八年任金堂知縣修四城門及諸壇祠

郭翰山西舉人康熙六年任金堂知縣初知縣皆僦居民間翰至始以官緡創建今署

田惟充奉天遼陽舉人康熙十九年任金堂知縣增修各祠廟以奉祀典

陳舜明字庶菴山東監生康熙五十六年任金堂知縣殫心撫字頗洽民情捐俸建衙署增修學宮創立書院士民感戴去之日共建恩深繡水德重金臺二坊於署前以誌不忘

李運隆字得雋江南邳州進士雍正三年任金堂知縣以振興文教為首務公餘即召俊髦課藝講學披閱指授一時文風丕變士林德之

田多稼字子同山西汾陽優貢生乾隆元年任金堂知縣寬厚精明振興廢墜重修學宮武廟創建四門城樓培葺

倉廩祠宇勸積社穀實心實政民皆念之

王裕疆字玉亭浙江紹興人直隸南皮籍監生乾隆初年任金堂知縣忠信明決庭無留訟甲子年水災悉心賑恤民賴以安凡他邑有疑案每奉檄委判斷平允歷任所至咸著循聲歷官嘉定府知府

張南瑛字石渠雲南姚安舉人乾隆十二年任金堂知縣振興文學創建奎閣增修書院培植士類尤長於水利堰有壅塞皆為疏濬初大河灣有十里地平疇衍沃無水灌漑居民僅種菽麥南瑛為相其地宜度其高下遂繞冠紫

金堂縣鄉土志

卷一 政績錄

七

四川大學圖書館藏
珍稀四川地方志叢刊

山南鑿渠接繡川河水名普利堰開良田數千畝上鄉餘水盡匯於此源長派遠至今無荒旱不足又開龍尾枳槽二堰

饒學曦字盱原江西廣昌舉人乾隆二十三年任金堂知縣興利除弊敦厚風俗重修學宮建明倫堂培書院置學田士民食德飲和至今思慕歷官雲南劍川知州

李篤生福建邵武舉人乾隆三十三年任金堂知縣廉介寡欲與物相忘不為禍始民安其業致仕後邑人送者咸云將至家遂入武夷山修養云

陳大文江蘇吳縣監生乾隆三十六年署金堂知縣振興文教請增學額士民頌德歷官湖北按察使司

劉大鏞字省菴安徽旌德進士乾隆五十八年署金堂知縣溫厚和平好獎士類為書院置買書籍增益學田尊待師長如父兄行諸生觀感而化莫不肅敬自勵愛民如子弟不輕用刑而姦猾斂跡在官甫六月士民愛戴無已去之日傾邑老幼夾道送之自署前至境上挈榼焚香攀轅涕泣竟日乃散

謝惟傑字兼三浙江會稽監生嘉慶六年任金堂知縣下

金堂縣鄉土志

卷一 政績錄

八

四川大學圖書館藏
珍稀四川地方志叢刊

車之後問民疾苦勤於撫字凡前邑尹有創建未備者踵而行之皆補其所不及田野闢市肆安民俗蒸蒸日上規模氣象燦然一新歌頌溢於四境初金堂未有邑志惟傑於公餘之暇博採前言往行訪求故老傳聞並漢魏隋唐以來典籍及省志諸書精心考究輯為金堂志為部者三為綱者九為目者三十有六共計十有一卷博而有要該而不遺酌古準今有條不紊洵足供輶軒之采而後人亦得藉以資考鏡焉後擢同知直隸州知州

朱錫穀字菽原福建侯官進士道光元年任金堂知縣性

情嚴毅學問淵邃捐廉創立四街義學後陞叙州府知府致仕歸

高學濂字希之安徽無為州舉人由教諭保舉知縣於道光六年署金堂知縣潔已愛民教養兼施陞任資州直隸州知州入祀名宦祠

李卿穀字紅樵河南光州舉人道光二十九年任金堂知縣洞達時艱勤恤民隱先是保甲之設久成具文卿穀至認真編聯規模一新邑人咸仰禁暴詰奸之良法後厯官湖北按察使司殉髮賊難

金堂縣鄉土志

卷一 政績錄

九

四川大學圖書館藏
珍稀四川地方志叢刊

徐璞玉字琢章河南寶豐進士同治三年任金堂知縣寬厚仁慈下車時即辦理平糶不遺不濫民咸頌德尤關心文教創興義塾百八所公餘輒入各塾察教授之勤惰又嘗增書院諸生膏火培修考棚一時文風丕變至今循聲不沒厯官馬邊廳同知

葉用霖字仲祥廣東瓊州府附貢生同治九年署金堂知縣清慎勤廉聽斷無私至於戒賭禁匪務求其盡其訪查之嚴密城鄉各場無一日不驚稱官至馴至俗美風清宵小斂跡民間咸頌用霖為葉青天

曾景福字仰山雲南鎮雄州舉人光緒五年署金堂知縣聽訟嚴明洞知利弊不用門叩籤稿案牘均自辦理嘗召紳士曰吏役橫肆金堂最盛遂稟請大憲立書差規費章程妥善刊碑豎三費局內並布告四鄉各場令其書冊勒石以垂久遠所惜定章雖存遵循無人而美善之政遂至廢墜惟興設學田以惠士林至今民猶稱道不衰

金堂縣鄉土志

卷一 政績錄

十

四川大學圖書館藏
珍稀四川地方志叢刊

金堂縣鄉土志

兵事錄

兵燹之災古人必紀將以遏亂萌也然金堂舊無志乘嘉慶中知縣謝維傑始創修邑志而於兵事未有專部其外編所載僅引及晉唐宋數事亦畧而未詳茲更就故老之傳聞如前明李自成張獻忠之亂及近今藍逆拳匪之變畧增數條以誌本境叛黨之擾作兵事錄

晉

晉安帝義熙初成都為譙縱所據九年以朱齡石討平之

金堂縣鄉土志

卷一 兵事錄

十一

四川大學圖書館藏
珍稀四川地方志叢刊

於東山置金水戍

案金水戍在今懷口鎮之西同興場

唐

唐景福元年王建攻楊晟於彭州楊守亮遣將符昭救之

營三學山建將華洪拒却之

按三學山在今治城東四十里

宋

茅亭客話云至道丁酉歲秋八月諸州巡檢作亂坊使韓景祐至懷安軍為其下廣武卒劉肝等謀殺之韓踰垣而免是夜軍賊掠懷安軍及明取金堂古城入漢州凡六日行五百餘里劫掠五軍州十鎮縣所至處皆不及支梧驅

掠軍民勢莫可遏州縣震懾戶口遼逃按至道係宋太宗年號是時軍賊既由懷安軍取金堂古城入漢州則本境之蹂躪殆遍矣

宋淳祐三年余玠城雲頂山以備外水為州治所寶六年

蒙古將鈕璘入成都蜀帥蒲澤之命楊大淵等守劍門及

靈泉山鈕璘大破大淵兵於靈泉進圍雲頂山扼其歸路

按雲頂山在今治城南六十里是時元兵既進圍雲頂山則本境必遭兵燹矣

明

崇禎十年十月李自成惠登相等以數十萬眾入四川大將侯良柱敗於廣元遂攻陷昭化知縣王時化死之旋陷

金堂縣鄉土志

卷一 兵事錄

十二

四川大學圖書館藏
珍稀四川地方志叢刊

劍州知州徐尚卿投繯死吏目李英俊從之賊遂長驅陷

江油彰明安縣羅江德陽漢州吏民皆先遁尋掠郫縣主

簿張應奇死之陷金堂典史潘孟科死之是月也賊陷州

縣三十六以死聞者四人金堂典史潘孟科與焉

崇禎十七年張獻忠糾眾入蜀金堂適當衝要屠戮之禍

慘不可言通邑之民其倖而脫逃者不過十數人故邑中

居民鮮有明時舊族多由楚陝閩粵江浙諸省遷來是獻

賊之亂金堂之受害最烈也

國朝

咸豐十年庚申有藍逆大順自雲南邊境肇亂蹂躪四川叙嘉諸屬縣竄擾漢州入金堂境擁衆三萬餘人馬隊數千由銅盤山至清江鎮勢如破竹而下焚燒民屋擄掠男女殘殺老弱時管帶楚營知州李英傑帥英捷勇屯駐趙鎮偵知賊至出隊至中河壩背水一戰賊衆兵寡兵勇陣亡過半英傑受傷猶挺身戀戰傷重溺河而死賊遂盤踞趙鎮十日屠戮境內居民旋縱火焚趙鎮由藍家店颺去竄入中江縣圍攻綿州逾年駱文忠公秉璋督蜀始剿平藍逆

金堂縣鄉土志

卷一 兵事錄

十三

四川大學圖書館藏
珍稀四川地方志叢刊

光緒二十八年壬寅金堂有拳匪之變先是春夏之交偶遭天旱金堂東南諸境皆山貧民不得盡力於耕適有外來拳匪以符咒誘惑愚民演習神拳託名仇教信從日衆千百成羣遂焚燒教堂戕害教民大憲派兵捕剿胆敢拒鬪馮家寺一戰幫帶統領孫遇害翌日官兵更番迭進擊破銅盤山巢穴匪遂遁至趙鎮淮口鎮廖家場諸處迨藩憲陳督師至金堂先解散脅從誅戮首匪十餘人旬日之間全境肅清

金堂縣鄉土志卷二

耆舊錄

天下之最足動人而為後生小子所觀感者其鄉先達乎蓋生於斯長於斯里居匪遙其流風遺韻猶嘖嘖於父老之口一經文人學子為之表揚稱述而比閭之內咸聞風興慕則其感人自易易也金堂先賢先儒備載邑乘薦辟科第行誼諸志今擇其學問事業尤著者錄之於篇至近數十年鄉先生事蹟續志未修謹由採訪而得之作者舊錄

金堂縣鄉土志

卷二 耆舊錄

一

四川大學圖書館藏
珍稀四川地方志叢刊

宋

謝湜金堂縣人元豐八年乙丑科進士官至國子博士程伊川高弟著有易義十二卷春秋義二十四卷總義三卷崇祀鄉賢祠事詳邑志

謝潛金堂縣人湜弟元祐三年戊辰科進士與兄齊名學術純正議論剛方未嘗少貶以授特好嘗試安石新法遂坐黨籍廢錮顛顛以至終身時論頗惜之崇祀鄉賢祠賈子坤字伯厚金堂縣人嘉定中進士官西河推官攝通判關外被兵子坤與郡守陳寅誓死守城城陷子坤朝服

與其家十二口死之追贈承義郎

賈純孝子坤孫景祐中進士為揚州教授受知李庭芝元兵下江南二王在福州文天祥辟佐其幕累官右司轉朝散郎厓山師敗純孝偕妻孥同蹈海死事詳邑志

明

杜銘字敬修金堂縣人也曾祖諱興祥祖諱添禮父諱榮聰俱以銘貴累贈資政大夫銘少有異質從鄉先生治尚書舉正統六年鄉試十年第進士授刑部河南司主事論決輕重能盡法意自尚書以下皆器重之總三十司章奏

金堂縣鄉土志

卷二 耆舊錄

二

四川大學圖書館藏
珍稀四川地方志叢刊

羣僚堂參時有疑獄不決者皆聚而質於銘如銘言所治獄獄輒稱善厯階員外郎郎中他司郎中缺銘嘗兼領其事至晚他司吏往往抱三四印歸銘家銘愈謙退不伐眾益賢之景泰六年尚書江淵巡視南直隸河南山東等處舉銘自輔有持身端謹事體精熟之語銘感其知己亦克盡力未幾奉璽書慮囚貴州出滯獄數十百人貴州人謹傳以為神天順四年甘肅邊遽告急朝命兵部尚書馬昂行邊復舉銘參議幕府已得請因事不果行尋陞雲南按察使司副使詘賊吏剔弊政聲稱崛起逾年改貴州按察